



Газет 1930 жылдың 10 қазанынан шыға бастады

Халық биліктің ашықтық пен заңдылықты сақтап отырғанын сезінуі тиіс



Мемлекет басшысы Қасым-Жомарт Тоқаевтың төрағалығымен Президент Әкімшілігі, Қауіпсіздік Кеңесі, Бас прокуратура, Ұлттық қауіпсіздік комитеті, Қорғаныс және Ішкі істер министрліктері басшыларының кеңесі өтті.

Мемлекет басшысына еліміздегі ахуалды тұрақтандыру үшін берілген тапсырмалардың орындалу барысы туралы баяндалды. Әсіресе, қауіпсіздік пен құқықтық тәртіпті қайта қалпына келтіруге, азаматтардың заңды құқықтарын қамтамасыз етуге баса мән берілді.

Ішкі істер министрі Ерлан Тұрғымбаев Президентке еліміздің барлық өңірінде жүргізіліп жатқан «Құқықтық тәртіп» деп аталатын шұғыл алдын алу шараларының жүзеге асырылу барысы туралы баяндады. Халықтан заңсыз сақтап отырған қаруларын алу ісі жалғасуда. Ведомствоның мәліметі бойынша терроризм, кісі өлтіру, билік өкілдеріне зорлық-зомбылық көрсету, бұзақылық, мемлекеттік органдардың ғимараттарына шабуыл жасау және басқа да қылмыстар бойынша 1822 қылмыстық іс қозғалған. Оның 116-сы арнаулы прокурорларға жолданған. ІІМ жеке қауіпсіздік департаменті жанынан сенім телефоны іске қосылған. Министрдің айтуынша, ұсталған азаматтардың конституциялық құқықтарының бұзылуына жол бермеу мақсатында құқық қорғау ұйым-

дарымен тығыз ықпалдас-тық орнатылған.

Ұлттық қауіпсіздік комитетінің төрағасы Ермек Сағымбаев Мемлекет басшысына лаңкестік қауіптерді жою және келешекте ондай қатерлерге жол бермеу механизмдерін әзірлеу жөніндегі шаралар туралы баяндады.

Қорғаныс министрі Руслан Жақсылықов Президентке қазіргі уақытта Қарулы Күштердің жекелеген бөлімшелері ішкі істер органдарымен бірлесіп, террористік қауіптің «қызыл» деңгейінде тұрған өңірлерде құқықтық тәртіпті қамтамасыз ету жөніндегі міндеттерін орындауды жалғастырып жатқанын баяндады. Әскери нысандардың, соның ішінде қару-жарақ және оқ-дәрі қоймаларының күзеті күшейтілген.

Қорғаныс министрлігі Мемлекет басшысының Қарулы Күштерді реформалау жөнінде берген тапсырмасын орындауға кірісті.

Бас прокурор Физат Нұрдәулетов Мемлекет басшысына терроризм мен жаппай тәртіпсіздік деректері бойынша жүргізіліп жатқан тергеу амалдарының барысы туралы есеп берді. Сонымен қатар, ұсталған және тұтқындалған азаматтардың құқықтарын қамтамасыз ету үшін прокурорлардың қабылдаған шаралары жөнінде баяндады. Физат Нұрдәулетовтің айтуынша, олардың бәрі қорғау, заңды көмек алу, шағым жасау құқығымен қамтамасыз етіліп жатыр. Прокуратура органдарына қаңтар оқиғасына қатысқан азаматтардан 84 шағым түскен. Қадағалау шаралары бойынша ұстал-

ған 96 адам босатылған.

Сонымен қатар, қадағалау органының жетекшісі нақты дәлелі жоқ жағдайларда жазаны жеңілдету жөніндегі Мемлекет басшысының берген тапсырмасының орындалу барысы туралы есеп берді. Берілген мәліметтер бойынша әкімшілік тәртіпке сәйкес соттардың шешімімен 3314 адам тұтқындалған. Прокурорлар 1884 іске қатысты жазаны жеңілдету жөнінде өтініш берген. Оларды тексеру нәтижесінде 1083 адам тұтқыннан босатылған. 493 азаматқа салынған айыппұл ескерту жазасына ауыстырылған.

Баяндамаларды тыңдаған Мемлекет басшысы болған оқиғаның барлық мән-жайын анықтау жұмыстарын жалғастыру қажет екенін айтты.

Қасым-Жомарт Тоқаев ақпарат саласындағы күштік құрылымдар мен өкілетті органдар күш-жігерлерін үйлестіріп, жұртшылық тарапынан түсетін сауалдарға жедел жауап беруге тиіс екеніне тоқталды.

Мемлекет басшысы тұрғындардың қазасына қатысты мәселе бойынша Бас прокуратураға және Ішкі істер министрлігіне әрбір жағдайды мұқият тергеп-тексеру жөнінде тапсырма берді.

—Жұртшылықтың болған оқиғалар жөнінде долбар мен қауесетке негізделген пікір қалыптастыруына жол беруге болмайды. Азаматтар биліктің ашықтық пен заңдылықты қамтамасыз етіп отырғанын көруге тиіс, — деді Мемлекет басшысы.

«Оңтүстік Қазақстан» газетінен.



Диалог жүргізу арқылы ғана еліміз ілгері жылжиды

Мемлекет басшысы Қасым-Жомарт Тоқаев Қазақстанда жаңаша көзқарастағы саяси мәдениет қалыптастыру маңызды екенін айтты. Бұл туралы Президент өзінің твиттердегі парақшасында жазды, деп хабарлайды EgeMen.kz.

«Біз жаңа саяси мәдениет қалыптастырып жатырмыз. Түрлі көзқарас, бірақ біртұтас ұлт. Өзгенің пікірін құрметтеп, диалог жүргізу арқылы ғана еліміз ілгері жылжиды», делінген Президент жазбасында.

«Егемен Қазақстан» газетінен.

«Бизнес-бастау» жобасын қаржыландыру жалғасуда



«Атамекен-Түркістан» микроқаржы ұйымы «Бизнес-бастау» жобаларын қаржыландыруды жалғастыруда. Қазіргі таңда өңірде 69 тұрғын өз ісін дамытуға капитал алған.

Өткен жылы «Атамекен-Түркістан» микроқаржы ұйымына 300-ге жуық өтінім түскен. Оның ішінде 204 жоба қабылданып, 130 жоба мақұлданды. Жалпы құны 589 млн. теңгені құрайтын 69 жоба қаржыландырылды. Бұл туралы Облыстық кәсіпкерлер палатасының директоры Тимур Нақыпбеков мәлімдеді.

Жобаларға бөлінген қаражаттың негізгі бөлігі техника мен жабдықтар сатып алуға,

мал шаруашылығына жұмсалған.

Айта кетерлігі, несиені кез келген салада бизнесті дамыту үшін алуға болады. Микроқаржы ұйымы-несиені тұтынушылық мақсатқа, бұрын алған несиені өтеуге, несиелік берешегін қайта қаржыландыруға, жеке тұрғын үй құрылысы үшін жер телімдерін сатып алуға бермейді. Ал, ауылдық жерде тұратын азаматтар Кәсіпкерлер палатасының аудандық филиалы арқылы өтінім бере алады.

Түркістан облыстық өңірлік коммуникациялар қызметі.

“Созақ үні” газетінің 26 қаңтар күнгі санында жарияланған Мақсат Қарғабайдың “Дүниені дүркіреткен Дүржанов” атты мақаласына орай ауыл спортын дамытуда елеулі үлес қосып жүрген және қосқан азаматтар туралы көкейде жүрген ойларды ортаға салсам деп едім. Біржан Жақып бокстан Қазақстанда алғашқы болып жеңіл салмақтан Әлем чемпионы атанғанда оның жеңісіне бүкіл қазақ елі былғары қолғап шеберінің табысына жүрегі жарыла қуанды. Солармен бірге шежірелі, қарт Қаратаудың қойнауындағы Аққолтық ауылы да бір-бірімен сүйінші сұрап жатты. Ауылда туып-өскен Біржан Жақыптың әлем чемпионы атанғанын теледидердан көргенде, Аққолтықтың тумасы Өмірзақ Дүржанов көзіне жас алып, қатты толқыды, қалай қуанбасын, оның арманын өзі болмаса да өз ауылының баласы орындаса..!

Өмірзақ Дүржанов ағамызды Біржанның әкесі Жақып әрі ағасы, әрі ұстазы ретінде ерекше сыйлайды. Жалпы, Біржанның боксқа бару-



Цирктің ауыр гир тас көтеріп, неше түрлі өнер көрсетіп, күштілігін байқатқан өнерпазы көрермендерге: «қане, кім мына гир тасты көтеріп, менімен күресіп күш сынасады» деп жар салады. Алып-ұшып тұрған, бойында күші тасыған Өмірзақ ортаға шығыпты. Өмірзақтың күш-қайратына ырза болып, алып тұлғасына сүйсінген өнерпаз Өмірзақты «Мәскеуге жүр, тәрбиелеймін» деп ұсыныс айтып, телефон номерін қалдырыпты. Тіпті кейін сол өнерпаз-орыс жігіті Түркістанға Өмірзақты іздеп келсе, ата-анасы жібермей қойыпты. Тағы бір қызық жәйіт, Өмірзақ Алматы қаласына оқуға түсу үшін барып, спорт институтының хабарландыру тақтасының алдында тұрса «Абитурент бала, оқуға түсуге келдің бе, менімен бірге жүр» деп, не керек сол бейтаныс кісі оқуға түсуіне көмектесіпті, сөйтсе ол атақты палуан, елге танымал жаттықтырушы Матушак екен. Ол Өмірзақтың тұр-тұлғасына қарап-ақ одан талантты палуан шығады деп болжаған-ғой. Осылайша студент-

әсер етті. Бокстан Қазақстанның еңбегі сіңген жаттықтырушысы атанған Сәбит Ермановты, Нәзір Төреқұлов атындағы лицейде спорттың өркендеуіне аянбай еңбек еткен, жақында өмірден өткен Әшірхан Шойынбетті «оқыңдар» деп Алматы қаласына жетектеп барғаны есімізде. Өмірзақ ағаммен және өзіме биология пәнінен сабақ берген жары Нұрсағила Атыманова апаймен Оңтүстік Қазақстан облысы Созақ ауданындағы орта мектепте қызметтес болдым. Білімдері мол, ақыл-кеңестерін аямайтын қос ұстазбен қайда жүрсек те үнемі хабарласып тұрдым. Біржан Жақыптың жеңісіне көңілі толған ағамыз маған сонымен бірге мына жайды есіме салды. Аққолтық ауылының тумасы Таужан Батыров Созақ аудандық спорт мектебінде футболдан жаттықтырушы болып, өзі баптап, тәрбиелеген «Шалқар» футбол командасын «Былғары доп» жарысында республиканың чемпионы атандырады. Содан кейін бұлар Ереванда бүкіл одақтық «Былғары доп» жа-

ӨМІРЗАҚТАН БІРЖАНҒА ДЕЙІН

ына әкесі Жақып себепкер болса, Жақып баласын бокс үйірмесіне апарар сәтте, әрине, Өмірзақ Дүржанов ағамыз ойына оралған болар. Өмірзақ ағамыз-әйгілі боксшы Әбдісәлан Нұрмахановтың шәкірті. Сонау 1964-1967 жылдары Қазақстан құрама командасының мүшелері Ә.Нұрмаханов пен Ө.Дүржановтың, яғни ұстазы мен шәкіртінің жарысқа бірге қатысқанына бокс жанкүйерлері куә. Енді «Лениншіл жас» (қазіргі «Жас Алаш») газетінің 1967 жылғы 21 қаңтардағы санындағы А.Қаныбековтің «9 минут. Аз ба, көп пе?» атты мақаласынан үзінді келтірейік: «Атақты Әбдісәлан Нұрмахановтың шәкірті Өмірзақ Дүржанов «Еңбек резервтері» қоғамының атынан рингке көтеріліп, айқастың алғашқы минутында-ақ жеңіске жетті. Ол шындап бір-ақ рет жұдырық сілтеді. Сол соққының өзі В.Апырышкінді есеңгіретіп тастады. Төреші бәсекені одан әрі жалғастырмай, Өмірзақтың қолын көтерді. Қазақстанның құрама командасында жүріп КСРО спорт шеберлігіне ұсынылып, пәнейі себеппен берілмей қалған ауылдан шыққан дүлей күштің, ауыр соққының иесі, ауыр салмақтағы боксер Өмірзақ Дүржановтың қол жеткен табыстары бір бұл ғана емес: Түркістан әскери округінің чемпионы, республикалық «Қайрат» және «Еңбек резервтері» қоғамының чемпионы, бүкілодақтық «Локомотив» спорт қоғамы кубогінің иегері, Қазақстан чемпионатының және Мәскеу, Киев, Донецк, Ташкент, Рига, Каунас, Вильнюс, Ереван, Тбилиси, Баку қалаларында өткен КСРО біріншіліктерінің жүлдегері. Әлі есімде, Аққолтықтың клубында қойылатын көркем фильмнің алдында ауыл көрермендеріне 5-10 минуттық «Советтік Қазақстан» де-

ген киножурнал көрсетілді. Осы киножурналда Әбдісәлан Нұрмахановтың өз шәкірті Өмірзақ Дүржановтың қалай жаттықтырғаны, Ө.Дүржановтың биік жетістіктерге қалай жеткені жөнінде киносюжет көрсетілді. Осыны көрген барлық ауыл балалары, оның ішінде Біржанның әкесі Жақып та бар, барлығымыз құлақшынымызды аспанға лақтырып, «Қайраттың» жеңісті ойынын көргендей қуанғанымыз-ай! Жартытөбе ауылына өз қаржысымен мешіт салған Алматы қаласының тұрғыны Әбдірасыл Тәтібаев туыс-құрдасы Өмірзақ Дүржановты сағынышпен еске алды: «Ол- ақ жарқын, ақ көңіл жігіт еді,

палуан Өмірзақ бір күні Әбдісәлан Нұрмаханов тоқтатып «Ей бала, сен өзіміздің Түркістан жақтан екенсің, мына ағанды тыңда, палуандықты қой, маған шәкірт боласың боксқа ауыс» деп дегеніне көндіреді. Матушак қатты қапаланыпты, Өмірзақта өкінгендей болып «сол палуандықты бекер тастадым-ау» дейтін. Қазақтың атақты екі жаттықтырушысында Созақтың қара баласының алып, тығыршықтай денесі, күрзі қолы, табиғи күштің иесі ретінде сүйсіндірсе керек. Қазір қазақ спортында соққысы дүлей, ауыр салмақтағылар азайып кетті-ғой. Өмірзақ өмір бойы шахмат ойнау-

рысында Созақтың балалары атой салды. Осы команданың үздік шабуылшысы Аманғали Аймұрзаев сол кезде «Қайрат» командасының қосалқы тобына резервке байқауға қатысады. Аққолтықтан шыққан Қазақстанның халық жазушысы Сәуірбек Бақбергенов Таужан мен оның командасы туралы «Он үшінші ойыншы» деген деректі повесте жазды. Шежірелі Қаратаудың самал желі ескен қойнауында жазда жасыл желекке оранатын Аққолтық ауылында ертеден келе жатқан дәстүр қазіргі күні де нәтижелі жалғасуда. Берекелі, мерекелі, құлпырып өркендеген осы ауылдан Созақ ауданының спорт көшін бастаған әрі басқарған Оралбай Дауленбаев, Таужан Батыров, Қашқынбай Кенжеханов, ауданға алғаш рет қол добының туын тіккен Әсілхан Құлмаханов, волейболдан ауданның намысын қорғаған Әшімхан Тәпиев, Жораш Көлбаев, күрестен намысын қорғаған Әзім Бейсеқұлов болып жалғаса берді... Ал, Аққолтықтың тағы бір қара домалақ баласы футболдан Қазақстан құрама командасының, «Астана» командасының белді шабуылшысы әрі капитаны болған Таңат Несербаев – бұл күнде Түркістанның «Тұран» командасының жоғары топта қалуына ойынымен де, тәжірибесімен де үлгі-өнеге болуда. Ауыл спортының өркендеуіне бар күш-жігерін жұмсаған Өмірзақ Дүржановты бүкіл Созақ ауданы, оның ішінде әрине, Аққолтық та ерекше қадір тұтады, әрқашан естерінде сақтайды.



маған мынандай басынан өткен қызық оқиғаларды айтып еді. Мектеп бітірген жасөспірім кезінде Түркістан қаласына Сейділда ағасының үйіне барады, дәл сол кезде қалада Мәскеу циркі өнер көрсетеді.

мен өтті, жалықпаушы еді». Шыңдығында Өмірзақ ағаны көрсек, қазақтың Тайсонын көргендей болушы едік. Айта кетуіміз керек шығар, Өмірзақ Дүржановтың аты мен атағы ауыл балаларының спортқа келуіне, спортпен айналысуына көп

Жабал ШОЙЫНБЕТ,
Абай атындағы ҚазҰПУ «Хәкім Абай» ғылыми-зерттеу орталығының директоры.

Сенімгерлік басқарушы:

“Agro-sozak” ЖШС

Меншік иесі-

“Созақ үні” газеті редакциясы”
жауапкершілігі шектеулі
серіктестігі

Директор:
Абилпаттаев Ержан
БАКЫТЖАНОВИЧ

Бас редактор:
Теңізбаев Сәрсенбек
САЙЛАУБЕКҰЛЫ
Жауапты хатшы:
Мақсат Қарғабай
Редакция құрамы-

Аға тілші-
Нұржамал МАЙУСОВА
Тілшілер-
Данияр БЕКОВ
Нұрсұлтан ШЕРТАЕВ
Біржан ЖАНДӘУЛЕТОВ
Дизайнер-
Асхан БАҚТЫБАЕВ
Теріші-
Бағила АЯЗБАЕВА

Қолжазбалар өңделеді, қайтарылмайды және оларға пікір жазылмайды. Редакция авторлар мақаласы мен жарнама мазмұнына және өздері әкелген суреттің сапасына жауап бермейді. Кей суреттер интернеттен алынады.

Компьютерлік бетпен екі жарым беттен (250 жол) асқан материалдар қабылданады.
Газет Қазақстан Республикасы Ақпарат және коммуникациялар Министрлігі Ақпарат комитетінде 2018 жылдың 6 қаңтар күні Астана қаласында тіркеліп, мерзімді баспасөз басылымын, ақпарат агенттігін және желілік басылымды есепке қою, қайта есепке қою туралы №17391-Г куәлігі берілген.
Газет редакцияның компьютер орталығында теріліп, беттелді. «Ар-принт» баспаханасында басылды. Шымкент қаласы, Ж.Ташенов көшесі, №24.

Таралу аумағы: Қазақстан Республикасы

Газет А-3 көлем форматта
аптасына 2 рет шығады
Индекс 64450
Редакцияның мекен-жайы:
161000, Шолаққорған ауылы,
С.Қожанов көшесі, Байланыс телефондары 4-15-30
(факс), 4-25-19, 4-28-97

А-ақысы төленген

тапсырыс №
таралымы -
4000 дана

Кезекші редактор:

М.Қарғабай.